

中国私家藏书

古典文学珍稀文库

艳异编
删补文苑楂橘

〔明〕王世贞 编

〔明〕佚名 著

北方妇女儿童出版社

藏書

华北水利水电学院图书馆



208976535

I242

W3401

艳异编

中国私家藏书
古典文学珍稀文库

〔明〕王世贞 编

北方妇女儿童出版社



897653

4

图书在版编目(CIP)数据

中国私家藏书·古典文学珍稀文库 / 禾阳, 张银堂主编. — 长春: 北方妇女儿童出版社, 2001. 1

本书包括《粉妆楼》《红风传》《新民公案》《九命奇冤》等 48 部。

ISBN 7-5385-1824-X

I. 中... II. ①禾...②张... III. 古典小说—作品集—中国 IV. I 242

中国版本图书馆 CIP 数据核字(2000)第 85229 号

中国私家藏书·古典文学珍稀文库

艳异编 (明) 王世贞 编

删补文苑楂橘 (明) 佚名 著

出版者◎北方妇女儿童出版社

地址◎长春市人民大街 124 号

电话◎0431-5640624

印刷◎长春新华印刷厂

开本◎32(880×1230 毫米)

印张◎11.375

主编◎禾阳 张银堂

责任编辑◎安春海

封面设计◎龙震海

版式设计◎王咏梅

2001 年 1 月第 1 版第 1 次印刷

ISBN 7-5385-1824-X/1·350

全套定价:486.00 元 本册定价:18.00 元

安西张氏女

安西市帛肆。有贩鬻求利而为之平者。姓张。家富于财。居光德里。其女国色。女尝昼寝。梦至一处。朱门大户。桀戟森然。出之而入。望其中堂若设宴张乐。左右廊皆施帷幄。有紫衣吏引张氏于西廊幕。次见少女如张等辈十许人。皆花容绰约。钗钿照耀。既至。吏促张妆饰。诸女选助之理泽传粉。有顷自外传唤侍郎来。兢隙间窥之。见一紫绶大官。张氏之兄尝为其小吏。识之乃吏部沈公也。俄双呼曰。尚书来。又有识者并帅王公也。逡巡复连呼曰。某来。皆郎官以上六七人。坐毕。前紫衣吏曰。可出矣。群女旋进金石丝竹。铿锵震响中宵。酒酣。并州见张氏而视之。尤属意焉。谓曰汝习何技能。对曰未尝学声音。使与之琴。辞不能。曰第操之。乃抚之而成曲。予之箏亦然。琵琶亦然。皆平生所不习也。王公曰。恐汝或遗。乃令口授。吟曰。钿梳闹扫学官妆。独立闲庭纳夜凉。手把玉簪敲砌竹。清歌一曲月如霜。谓张曰。其归辞父母。异日复来。忽惊啼而寤。手扞衣带曰。尚书命我矣。索笔录之。问其故。泣对所梦。且曰殆将死乎。母怒曰。汝作魔尔。何乃出不祥言如是。因卧病累日。外亲有持酒肴者。又有将食来者。女曰。且须膏沐澡沦。母听良久。静妆盛饰而至。食毕乃遍拜父母及坐客曰。时不可留。某今往矣。因援衾而寝。父母环伺之。俄遂卒。会昌二年六月十五日也。

司马才仲

司马才仲。初在洛下。昼寝梦一美姝。牵帷而歌曰。妾本钱塘江上住。花开花落不管流年度。燕子衔将春色去。纱窗几阵黄梅雨。才仲爱其词。因询曲名云。是黄金缕。且曰后日相见于钱塘江上。及才仲以东坡先生荐应制举中等。遂为钱塘幕官。其廨舍后堂苏小墓在焉。时秦少章为钱塘尉。为续其词后云。斜插犀梳云半吐。檀板轻敲。唱彻黄金缕。梦断彩云无觅处。夜凉明月生春浦。不逾年而才仲得疾。所乘尽水舆。舫泊河塘。舵工遽见才仲。携一丽人登舟。即前□□而火起舟尾。苍忙走报。家已恸哭矣。

渭塘奇遇

至顺中有王生者。本仕族。居于金陵。貌莹寒玉。神凝秋水。姿状甚美。众以奇俊王家郎称之。年二十未娶。有田在松江。因往收秋租。回船过渭塘。见一新肆。青旗出于檐外。朱栏曲槛。缥缈如画。高柳古槐。黄叶交坠。芙蓉十数株。颜色或深或浅。红葩绿水。相映上下。白鹅一群。游泳其间。生泊舟岸侧。登肆沽酒而饮。斫巨螯之蟹。脍细鳞之鲈。果则绿橘黄橙。莲池之藕。松坡之栗。以花磁盏酌真珠红酒而饮之。肆主亦富家。其女年一十八。而知音识字。态度不凡。见生在座。频于幕间窥之。或出半面。或露全体。去而复来。终莫能舍。生亦留神注意。彼此目视久之。已而酒尽出肆。快快登舟。如有所失。是夜遂梦至肆中。入门数重。直抵舍后。始至女室。乃一小轩也。轩之前有葡萄架。架下凿池。方圆盈丈。以石甃之。养金鱼于中。池左右植垂丝桧一株。绿荫婆娑。靠墙结一翠柏屏。屏下设石假山三峰。岌然竞秀。草则金绵绣墩之属。霜露不变色。窗间挂一雕花笼。笼内畜一绿鹦鹉。见人能言。轩下垂小木鹤二只。衔线香焚之。案上立二古铜瓶。插孔雀尾数茎。其旁设笔砚之类。皆极齐楚。架上横一碧玉箫。女所吹也。壁上贴金花笺四幅。题诗于其上。诗体皆效东坡四时词。字画则似赵松雪。不知何人所作也。其一云。春风吹花落红雪。杨柳阴浓啼百舌。东家蝴蝶西家飞。前岁樱桃今岁结。秋千蹴罢髻髻髻。粉汗凝香沁绿纱。侍女亦知心内事。银瓶汲水煮新茶。其二云。芭蕉叶展青鸾尾。萱草花含金凤嘴。一双乳燕出雕梁。数点新荷浮绿水。困

人天气日长时。针线慵拈午漏迟。起向石榴阴畔立。戏将梅子打莺儿。其三云。铁马声喧风力紧。云窗梦破鸳鸯冷。玉炉烧麝有余香。罗扇扑萤无定影。洞箫一曲是谁家。河汉西流月半斜。要染纤纤红指甲。金盆夜捣凤仙花。其四云。山茶未开梅半吐。风动帘旌雪花舞。金盘冒冷塑狻猊。绣幕围春护鹦鹉。情人呵笔画双眉。脂水凝寒上脸迟。妆罢扶头重照镜。凤钗斜亚瑞香枝。女见生至。与之承迎。执手入室。极其欢谑。会宿于寝。鸡鸣始觉。乃困卧蓬窗底尔。是后归家。无夕而不梦焉。一夕见架上玉箫。索女吹之。女为吹落梅风数阙。音调浏亮。响彻云际。一夕女于灯下绣红罗鞋。生剔灯误落灯花于上。遂成油晕。一夕女以紫金碧甸指环赠生。生解水晶双鱼扇坠酬之。既觉则指环宛然在手。视扇坠则无有矣。生大以为奇。遂效元积体赋会真诗三十韵。以记其事。诗曰。有美闺房秀。天人滴降来。风流元有种。慧黠更多才。碾玉成仙骨。调脂作艳腮。腰肢风外柳。标格雪中梅。合置千金屋。宜登七宝台。娇姿应自许。妙质孰能陪。小小乘油壁。真真醉彩灰。轻尘生洛浦。远道接天台。放燕帘高卷。迎人户半开。菖蒲难见面。豆蔻易含胎。不待金屏射。何劳玉手栽。偷香浑似贾。待月又如崔。箫许秦宫夺。琴从卓氏猜。莺声传缥缈。烛影照徘徊。窗薄涵鱼鬣。炉深喷麝煤。眉横青岫远。髻髻绿云堆。钗玉轻轻制。衫罗窄窄裁。文鸯游浩荡。瑞凤舞□颺。恨积鲛鮎帕。欢传琥珀杯。孤眠怜月妹。多忌笑河魁。化蝶能通梦。游蜂浪作媒。雕阑行共倚。绣褥坐相猥。啖蔗逢佳境。留环获异财。绿阴鸳并宿。紫气剑双埋。良夜难虚度。芳心未肯摧。残妆犹在臂。别泪已凝腮。漏滴何须促。钟音且莫催。峡中行雨过。岭上看花回。才子能知尔。愚夫可语哉。多生曾种福。亲得到天台。诗讫。好事者多传诵之。明岁复往收租。再过其处。则肆翁甚喜。延之入内。生不知其意。逡巡辞避。坐定。翁以诚告之曰。老拙惟一女。未曾适人。去岁君子所至。于此饮酒。偶有所睹。不能定情。因遂染疾。长眠独语。如醉如痴。饵药无效。昨夕忽语曰。明日郎君至矣。宜往候之。初以为妄。固

未之信。今日而君子果涉吾地。是天假其灵。而赐之便也。因问生婚娶未曾。又问其阉阅氏族大喜。肆翁即握生手入于内室。至女子所居轩下。门窗户闩。则皆梦中所历也。草木台沼器用什物。又皆梦中所见也。女闻生至。盛妆而出。衣服之丽。簪珥之华。又皆梦中所识也。女言去岁自君去后。思念切至。每夜梦中与君相会。不知何故。生曰。吾梦亦如之耳。女历叙吹箫之曲。绣鞋之事。无不吻合者。又出水晶双鱼扇坠示生。生亦举紫金碧甸指环。两相表订以之证。彼此大惊。以为神契。遂与生同居偕老。乃为夫妇于飞而还。终以团圆。可谓奇遇矣。

卷二十三 义侠部一

乐昌公主

艳
异
编

陈太子舍人。徐德言之妻。后主叔宝之妹。封乐昌公主。才色冠绝。时陈政方乱。德言知不相保。谓其妻曰。以君之才容。国亡必入权豪之家。斯永绝矣。倘情缘未断。犹冀相见。宜有以信之。乃破一照。人执其半。约曰。它日必以正月望日卖于都市。我当在。即以是日访之。及陈亡。其妻果入越公杨素之家。宠嬖殊厚。德言流离辛苦。仅能至京。遂以正月望日访于都市。有苍头卖半照者。大高其价。皆笑之。德言直引至其居。设食具言其故。出半照以合之。仍题诗曰。照与人俱去。照归人不归。无复嫦娥影。空留明月辉。陈氏得诗。涕泣不饮。素知之伦然改容。即如德言还其妻。仍厚遗之。闻者无不感叹。仍与德言陈氏偕饮。令陈氏为诗。曰今日何迁次。新官与旧官。笑啼俱不敢。方验做人难。遂与德言归江南。竟以终老。

虬髯客传

隋炀帝之幸江都。命司空杨素守西京。素骄贵。又以时乱。天下之权重望崇者。莫我若也。奢贵自奉。礼异人臣。每公卿入言。宾客上谒。未尝不踞床而见。令美人捧出。侍婢群列。颇僭于上。末年愈甚。无复知所负荷。有扶危持颠之心。一日卫公李靖以布衣上谒。献奇策。素亦踞见。公前揖曰。天下方乱。英雄竞起。公为帝室重臣。须以收罗豪杰为心。不宜踞见宾客。素敛容而起谢。公与语大悦。收其策而退。当公之骋辩也。一伎有殊色。执红拂立于前。独目公。公既去。而执拂者临轩指吏曰。问去者处士第几。住何处。公具以对。妓诵而去。公归逆旅。其夜五更初。忽闻叩门而声低者。公起问焉。乃紫衣戴帽人。杖一囊。公问谁。曰妾杨家之红拂妓也。公遽延入。脱衣去帽。乃十八九佳丽人也。素面画衣而拜。公惊答拜。曰妾侍杨司空。久阅天下之人多矣。无如公者。丝萝非独生。愿托乔木故来奔耳。公曰。杨司空权重京师如何。曰。彼尸居余气不足畏也。诸妓知其无成。去者甚众矣。彼亦不甚逐也。计之详矣。幸无疑焉。问其姓。曰张。问其伯仲之次。曰最长。观其肌肤仪状。言辞气语。真天人也。公不自意获之。愈喜愈惧。瞬息万虑不安。而窥户者无停履。数日亦闻追讨之声。意亦非峻。乃雄服乘马。排闥而去。将归太原。行次灵右旅舍。既设床炉。中烹肉且熟。张氏以发长委地。立梳床前。公方刷马。忽有一人中形赤髯如虬。乘蹇

驴而来。投草囊于炉前。取枕欹卧。看张梳头。公怒甚未决。犹观刷马。张熟视其面。一手映身摇示公。令勿怒。急急梳头毕。敛衽前问其姓。卧客答曰。姓张。对曰。妾亦姓张。合是妹。遽拜之。问第几。曰第三因问妹第几。曰最长。遂喜曰。今多幸逢一妹。张氏摇呼李郎且来见三兄。公骤拜之。遂环坐曰。爨者何肉。曰羊肉。计已熟矣。客曰饥。公出市胡饼。客抽腰间匕首。切肉共食。食竟。余肉乱切。遂置驴前。食之甚速。客曰。观李郎之行。贫士也。何以致斯异人。曰靖虽贫。亦有心者焉。它人见问。故不言。兄之问。则不隐耳。具言其由。曰然则将何之。曰将避地太原。曰然故非君所致也。曰有酒乎。曰主人西则酒肆也。公取酒一斗。既巡。客曰。吾有少下酒物。李郎能同之乎。曰不敢。于是开革囊取出一人首。并心肝。却头囊中。以匕首切心肝共食之曰。此人乃天下负心者也。衔之十年。今始获之。吾憾释矣。又曰。观李郎仪容气宇。真丈夫也。抑知太原有异人乎。靖曰。尝见一人。愚谓之真人。其余将相而已。其人何姓。曰靖之同姓。年几何。曰年仅二十。今何为。曰州将之子。曰似矣。亦须见之。李郎能致我见否。曰靖之友刘文静者。与之狎。因文静见之可也。兄欲何为。曰望气者。言太原有奇气。吾将访之。李郎何日到太原。请计之。某日当到。曰达之日。方曙我于汾阳桥待耳。言讫乘驴而去。其行若飞。回顾已远。靖与张氏。且惊且喜久之。曰。烈士不欺人固无伤也。但速鞭而行。及期。人太原候之。相见大喜。同诣刘氏。诈谓文静曰。有善相者。思见郎君。文静方与客议论匡辅。一日闻客有知人者。其心喜之。遂致酒延焉。既而太宗至。不衫不履。神采扬扬。貌与常异。虬髯默居坐末。见之心死。饮数巡。起招靖曰。真天子也。靖以告刘。刘益喜自负。既出。虬髯曰。吾见之十得八九。亦须道兄决之。李郎宜与一妹复入京。某日午时访我于马行。束酒楼下。下有此驴。及一瘦骡。即我与道兄俱在其所也。靖到果见二

乘。揽衣登楼。即虬髯与一道士方对饮。见靖惊喜。召坐环饮。十数巡。曰楼下柜中有钱十万。择一深隐处。驻一妹毕。某日复会我于汾阳桥。如期至桥。道士虬髯已先在矣。同访文静。时方奕棋。揖起而语。少焉文静飞书召文皇看棋。道士对文静奕。虬髯与静旁立而视。俄而文皇来。长揖就坐。神清气朗。满座风生。顾盼伟如也。道士一见惨然。敛棋子曰。此局全输矣。于此失却局哉。救无路矣。罢奕请去。既出。谓虬髯曰。此世界非公世界也。它方可勉图之。勿以为念。因共入京。虬髯路遇靖曰。计李郎之程。某日方到。到之明日。可与一妹同诣某坊。小宅为李郎往复相从。一妹悬然如罄。欲令新妇祇谒。从容无令前却。言毕。吁嗟而去。靖亦驰马速征。俄即到京。与张氏同往。至一小板门。扣之有应者出。拜曰。三郎令候李郎一娘子久矣。延入重门。门益壮丽。奴婢三十余人。罗列于前。青衣二十人。引靖入东厅。厅之陈设。穷极珍异。巾箱妆奁。冠镜首饰之盛。非人间之物。巾栉妆饰毕备。请更衣。衣又珍奇。甫毕。传云。三郎来。乃虬髯也。纱帽紫衫。趋走有龙虎之状。相见欢然。命妻出拜。亦天人也。遂延中堂。陈设盘筵之盛。虽王公亦不作也。四人对坐陈僕。次出女乐二十人。旅奏于庭。似从天降。非人间之曲度。食毕行酒。有苍头自西堂舁出二十床。各覆以锦帕。既列。尽去其帕。乃文簿匙钥之类。虬髯举杯告靖曰。此皆珍瑶货帛之数。吾之所有。悉以充赠。何者。某本欲于此世界求事。或当龙战。二三年建少功业。今既有主。住亦何为。太原李氏真英主也。三五年内。即当太平。李郎以英特之才。辅清平之主。竭心尽力。必极人臣。一妹以天人之姿。蕴不世之艺。从夫之贵。荣及轩裳。非一妹不能识李郎。非李郎不能遇一妹。圣贤起陆之渐。际会如期。虎啸风生。龙腾云合。固非偶然也。将予之赠。以佐真主。施功立业。勉之勉之。此后十余年。东南数千里外有异事。是吾得意之秋也。一妹与李郎可沥酒相贺。复回命家童列

拜。曰李郎一妹。是汝主也。可善事之。言讫。与其妻戎服乘马。一奴从后。数步遂不复见。靖据其宅。遂为豪家。得以助文皇締□之资。遂匡大业。贞观中公以左仆射平章事适南蛮。奏曰有海船千艘。甲兵数十万。入扶苏国。杀其主自立。国已定矣。靖知虬髯成功也。归告张氏。共沥酒向东南拜而贺之。乃知真人之兴。由英雄所冀。况非英雄者乎。人臣之谬思乱者。乃螳臂之拒走轮耳。我皇家垂福万叶。岂虚然哉。或曰。卫公之兵法。半是虬髯所传也。

柳 氏 传

天宝中。昌黎韩翃有诗名。性颇落拓。羈滞贫甚。有李生者。与翃友善。家累千金。负气爱才。其幸姬曰柳氏。艳绝一□。喜谈谑善讴咏。李生居之别第。与翃为宴歌之地。而馆翃于其侧。翃素知名。其所候问。皆当时之彦。柳氏自门窥之。谓其侍者曰。韩夫子岂长贫贱者乎。遂通意焉。李生素重翃无所吝惜。后知其意。乃具膳请翃饮酒酣。李生曰。柳夫人容色非常。韩秀才文章特异。欲以柳荐枕于韩君可乎。翃惊栗避席曰。蒙君之恩。解衣辍食久之。岂宜夺所爱乎。李坚请之。柳氏知其意诚。乃再拜解衣接席。李生坐于客位引满极欢。李生又以资三十万。佐翃之费。翃爱柳氏之色。柳氏慕翃之才。两情皆获。喜可知也。明年礼部侍郎杨渡擢翃上第。屏居闲岁几。柳氏谓翃曰。荣名及亲。昔人所尚。岂言以濯泥之贱。稽采兰之美乎。且物器资用。足以伺君之来也。翃于是省家于清池。岁余乏食。鬻妆具以自给。天宝末。盗覆二京。士民奔骇。柳氏以艳独异。且惧不免。乃剪发毁形。寄迹法灵寺。是时希逸自平卢节度淄青。素籍翃名请为书记。洎宣皇帝以神武反正。翃乃遣使间行求柳氏以练囊盛麸金而题之曰。章台柳。章台柳。昔日青青今在否。纵使长柳似旧垂。亦应扳折它人手。柳氏捧金呜咽。左右凄悯。答之曰。杨柳枝。芳菲节。所恨年年赠离别。一叶随风忽报秋。纵使君来岂堪折。亡何。有番将沙吒利者初立功。窃知柳氏之色。劫以归第。宠之专房。希逸除左仆射入覲。翃得从行。至京师。已失柳氏所止。悬想不已。偶于龙首冈。见苍头以骏牛驾輜辇。

从两女奴。翊偶随之。自车中问曰。得非韩员外乎。某乃柳氏也。使女奴窃言失身沙吒利。阻同车者。请诘旦幸相待于通政里门。乃期而往。以轻素结玉合。实以香膏。自车中投之曰。当遂永诀。愿置诚念。乃回车以手挥之。轻袖摇摇。香车磷磷。目断意迷。失于惊尘。翊大不胜情。会淄青诸将合乐酒楼。使人请翊。翊强应之。然意色皆丧。音韵爽咽。有虞侯许俊者。以材力自负。抚剑言曰。必有故。愿一效用。翊不得已。具以告之。俊曰。请足下数字。当立致之。乃衣纓胡。佩双鞬。从一骑。迳造沙吒利之第。候其出行里余。力被枉执警犯关。排闥急趋而呼曰。将军中恶。使召夫人仆侍。辟易无敢仰视。遂升堂出翊札示柳氏。挟之跨鞍。马迸尘断。倏忽乃至。引裾而前曰。幸不辱命。四座惊叹。柳氏与翊执手涕泣。相与罢酒。是时沙吒利恩宠殊等。翊俊惧祸。乃请希逸。大惊曰。吾平生所难事。俊乃能尔乎。遂献状曰。检校尚书金部员外郎兼御史韩翊。久列参佐。累彰勋效。顷从乡赋。有妾柳氏阻绝凶寇。依正名尼。今文明抚运。遐迹率化。将军沙吒利。凶恣挠法。凭恃微功。驱有志之妾。于无为之政。臣部将兼御史中丞许俊。族本幽蓟。雄心勇决。却夺柳氏归于韩翊。义切中抱。虽昭感激之诚。事不先闻。固乏训齐之令。寻有诏柳氏宜还韩翊。许俊钦赐钱二百万。柳氏归翊。翊后累迁至中书舍人。然即柳氏志防闲而不克者也。许俊慕感激而不达者也。向使柳氏以色选。则当态辞攀之诚可继。许俊以才举。则曹柯澠池之功可建。夫事由迹彰。功待事立。惜郁堙不偶。义勇徒激。皆不入于正。斯岂变之正乎。盖所遇然也。

无 双 传

唐王仙客者。建中朝臣刘震之甥也。初仙客父亡。与母同归外氏。震有女曰无双。小仙客数岁。皆幼稚戏弄相狎。震之妻。常戏呼仙客为王郎子。如是者凡数岁。而震奉孀姊及抚仙客尤至。一旦王氏姊疾。且重。召震约曰。我一子之念可知也。恨不见婚宦。无双端丽聪慧。我深念之。异日无令归它族。我以仙客为托。尔诚许我。瞑目无所恨也。震曰。姊宜安静自颐养。无以它事自扰。其姊竟不痊。仙客护丧。归葬襄郡。服阕。思念身世孤子如此。宜求婚娶以广后嗣。无双长成矣。我舅氏。岂以位尊官显而废旧约邪。于是饰装抵京师。时震为尚书租庸使。门馆赫奕。冠盖填塞。仙客既覩。致于学舍弟子为伍。舅甥之分。依然如故。但寂然不闻选取之议。又于窗隙间窥见无双姿质。明艳若神仙中人。仙客发狂。惟恐姻亲之事不谐矣。遂鬻囊橐。得钱数百万。舅氏舅母。左右给使。达于厮养。皆厚遗之。又因复设酒饌中门之内。皆得人之矣。诸表同处。悉敬事之。遇舅母生日。市新奇以献。雕镂屏玉以为首饰。舅母大喜。又旬日仙客遣老姬以求亲之事闻放舅母。舅母曰。是我所愿也。即当议其事。又数夕有青衣告仙客曰。娘子适以亲情事言于阿郎。阿郎云。向前亦未许之。模祥云云。恐是参差也。仙客闻之。心气俱丧。迟且不寐。恐舅氏之见弃也。然奉事不敢懈怠。一日震趋朝至日初出。忽然走马入宅。汗流气促。惟言锁却大门。一家惶骇。不测其由。良久乃言径原兵士反。姚令言领兵入含元殿。天子出苑北门。百官奔赴行在。我以妻女为念。略归部署。疾召仙客与我勾

当家事。我嫁与尔无双。仙客闻命。惊喜拜谢。乃装金银罗锦二十驮。谓仙客曰。汝易衣服。押领此物出开远门。觅一深隙店安下。我与汝舅母及无双。出启夏门。绕城续至。仙客依所教。至日落城外店中。待久不至。城门自午后扃锁。南望目断。遂乘驄秉烛绕城。至启夏门。门亦锁。守门者不一。特白桐或坐或立。仙客下马徐问曰。城中有何事如此。又问今日有何人出此门者。曰朱太尉已作天子。午后有一人重戴领妇人四五辈。欲出此门。街中人皆识云是租庸使刘尚书。门司不敢放出。近夜追骑至。一时驱向北去也。仙客大声恸哭。却归店三更向尽。城门忽开。见火炬如昼。兵士皆持兵挺刃传呼斩斫。使出城搜城外朝官。仙客舍辎骑。惊走归襄阳。村居三年。后知克复京阙。重经海内无事。乃入京访舅氏消息。至新昌南街。立马彷徨之际。忽有一人马前拜。熟视之乃旧使苍难塞鸿也。鸿本王家生。其舅常使得力。遂留之。握手垂涕。仙客谓鸿曰。阿舅阿母安不。鸿云并在兴化宅。仙客喜极云。我便过街去。鸿云某已得从良。客户有一小宅子。贩缿为业。今日已夜。郎君且就客户一宿。来早同去未晚。遂引至所居。饮饌甚备。至昏黑乃闻报曰。尚书授伪命官。与夫人皆处极刑。无双已入掖庭矣。仙客哀冤号绝。感动邻里。谓鸿曰。四海至广。举目无亲戚。未知托身之所。又问曰。旧家人谁在。鸿曰。惟无双所使婢采苹者。今在金吾将军王遂中宅。仙客曰。无双固无见期。得见采苹死亦足矣。由是乃刺谒以从侄礼见遂中。具道本末。愿纳厚价以赎采苹。遂中深见相知。感其事而许之。仙客税屋与鸿苹居。塞鸿每言。郎君年渐长。合求官职。悒悒不乐。何以遣时。仙客感其言。以情恳告遂中。遂中荐其仙客于京兆尹李齐运。齐运以仙客前衔为富平县尹。知长乐驲。累月忽报有中使。押领内家三十人。往园陵以备洒扫。宿长乐驲。毡车子十乘下讫。仙客谓塞鸿曰。我闻官嫔选在掖庭。多是衣冠子女。我恐无双在焉。汝为我一窥可乎。鸿曰。官嫔数千。岂便及无双。仙客曰。汝但去。人事亦未可定。因令塞鸿为假驛吏。烹茗于帘外。仍给钱三千。约曰。坚守茗具。毋暂舍